

Prooemium.

pote continentes Jus Justinianaum novissimum, derogant & Codici & Pandectis & Institutionibus, imo juxta temporis pri- aut posterioritatem sibi invicem: v. g. *Nov. 118. cap. 3.* abrogatur per *Nov. 127. cap. 1.*

7 Regula 2. Codex repetitæ prælectionis non tantum quoad quinquaginta Decisiones, sed etiam quoad alias leges derogat Digestis & Institutionibus, quia cum leges Codicis non considerentur ut latae ante Digesta, sed ut renovatae post illa, locus fit regulæ: *Lex posterior derogat priori* per *L. ult. de Const. princ.* Exemplum est in *L. 56. ff. solut. matrim.* quâ uxor esse definit, si ab hostibus capta, si deportata, vel ancilla facta fuerit. Contra in *L. Res. 24. C. de donat. int. vir. & uxorem* per ignis & aquæ interdictum vel deportationem matrimonium non dissolvitur. Concordat *L. Matrimonium 1. C. de repud.* matrimonium Jure Codicis deportatione vel aquæ & ignis interdictione *suo casu* non dissolvitur. Aliud exempl. est in *L. Paulus 11. ff. de stat. homin.* Contra in *L. nuper 11. C.*

de natural, lib. Illa enim, ut quis sit legitimus, requirit tempus conceptionis & partûs, hæc solius partûs tempus statuit sufficere. Vitriar. ad Inst. 4 §. 39.

8 Regula 3. Pandectæ non derogant Institutionibus, hæc tamen illis prævalere possunt, nimirum quatenus Digesta Jus antiquius complectuntur, Institutiones verò novius, hoc enim ex natura rei illud vincit. Exemplum habe in *L. 92. §. 1. ff. de Legat. 3. & L. 77. §. 19 ff. de Legat. 2.* ubi inter legatum per præceptionem & finendi modo relictum apparet differentia, saltem quoad verborum solennitatem, quæ tamen hodie per §. 2. *Inst. de Legat.* est sublata; nec non in *L. 3. §. 1. ff. de Capite minut.* quæ per §. 6. *Inst. quib. mod. patr. pot. solvitur,* cessat.

9 Regula 4. Hæ Juris Justiniani partes robur etiam habent in Germania, nam licet promulgatae fuerint à Justiniano, legislatore non nostro, sed extero, attamen postquam in Imperio tacitè sunt receptæ, juxta illas Judicari debet, etiam cum illo,

Proemium.

illo, quem docui, ordine. Lau-
terb. *Exercit. 1. ad ff. th. 14.*
10 Regula 5. Jus Justinianæum
obligat tantum in subsidium,
quatenus leges Germanicæ &
bonæ consuetudines deficiunt.
Ita statuit *Ord. Judicii Cæsareo-
Aulici Tit. 1. §. Und weilen ic.*
quod in casu deficientium le-
gum Germanicarum jura Cæ-
sarea & legitimæ observatio-
nes, & mores sint observanda,

Regula 6. Sententiæ etiam I I
DDrum gravium & practico-
rum in judicando juri Justinia-
næo quandoq; sunt præferen-
dæ, licet fortè verborum cor-
tici non congruerent, aut legi
planè adversarentur. Exem-
plum est in tacita relocatione
prædii rustici, pro fundorum
Germanicorum indole ultra
annum extendendâ contra L.
13. ff. *Locati.*

